



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77

N 91/14625

< 12 > 08 2022թ.

Դավիթ Սամվելի Արիստակեսյանին
Ք.Երևան Կենտրոն Թաիրովի փ. տ.23

Ուղարկում եմ Ձեր դիմումի հիման վրա ՀՀ ոստիկանության պարեկային ծառայության իրավաբանական բաժանմունքում իրականացված վարչական բողոքարկման վարույթի արդյունքում կայացված թիվ 8200231544 վարչական ակտը բեկանելու և վարչական իրավախախտման վերաբերյալ գործի վարույթը կարճելու մասին որոշումը:

Առդիր՝ <<3>> թերթ:

Պետի տեղակալ,
Ոստիկանության գնդապետ՝

Ա. Մաքևոսյան

Կատ. Գ.Ավետիսյան

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 14.07.2022թ. կայացված թիվ 8200231544 որոշումը բեկանելու և վարչական իրավախախտման վերաբերյալ գործի վարույթը կարճելու մասին

<<12>> 08.2022թ.

ք.Երևան

ՀՀ ոստիկանության պարեկային ծառայության պետի տեղակալ, ոստիկանության գնդապետ Ա. Մաթևոսյանս, վերանայելով Դավիթ Արիստակեսյանի (Այսուհետ՝ դիմող) 19.07.2022թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

14.07.2022թ-ին ժամը 21:10-ի սահմաններում դիմողը Երևան քաղաքի Նոր Նորք վարչական շրջանի Ս. Սաֆարյան փողոցում «Toyota Corolla» մակնիշի 66 DO 669 հաշվառման համարանիշի տրանսպորտային միջոցը վարելիս թույլ է տվել ՀՀ կառավարության 2007 թվականի հունիսի 28-ի N 955-Ն որոշման Հավելված N 1-ի Ձև N 1-ի 5.5 <<Միակողմ երթևեկությամբ ճանապարհ>> ճանապարհային նշանի պահանջների խախտումներ, այն է՝ տրանսպորտային միջոցը միակողմ երթևեկությամբ ճանապարհով վարել է տրանսպորտային միջոցների հոսքին հակառակ ուղղությամբ, ինչի համար ՀՀ ոստիկանության պարեկային ծառայության Երևան քաղաքի գնդի ավագ պարեկ, ոստիկանության լեյտենանտ՝ Սուրեն Փաշայանի կողմից «Վարչական իրավախախտումների վերաբերյալ» ՀՀ օրենսգրքի (Այսուհետ՝ ՎԻՎՕ) 124.3-րդ հոդվածի 1-ին մասով կազմվել է վաչական իրավախախտումների վերաբերյալ արձանագրություն և կայացվել թիվ 8200231544 որոշումը՝ դիմողի նկատմամբ նշանակելով տուգանք սահմանված աշխատավարձի քսանապատիկի չափով և տուգանային միավորի կիրառում՝ 3 միավոր :

Դիմողը 19.07.2022թ.-ի դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով թիվ 8200231544 որոշումը:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ձեռք բերված ապացույցները, ինչի արդյունքում պարզվել է, որ վարչական իրավախախտման գործով թիվ 8200231544 որոշումը ենթակա է բեկանման՝ հետևյալ պատճառաբանությամբ և հիմնավորմամբ.

Վարչական իրավախախտման վերաբերյալ արձանագրության ուսումնասիրությամբ պարզվել է, որ այն ստորագրված չէ ոչ՝ վարույթն իրականացնող ծառայողի կողմից, ոչ՝ իրավախախտում կատարած անձի կողմից, այսինքն խախտվել են ՎԻՎՕ 255-րդ հոդվածի՝ վարչական իրավախախտման վերաբերյալ արձանագրությանը ներկայացվող պահանջները:

Թիվ 8200231544 որոշման ուսումնասիրությամբ պարզվել է, որ այն նույնպես ստորագրված չէ վերոգրյալ անձանց կողմից, այսինքն խախտվել են ՎԻՎՕ 281-րդ հոդվածի՝ վարչական իրավախախտման գործի վերաբերյալ որոշմանը ներկայացվող պահանջները:

Այսինքն՝ ՀՀ ոստիկանության պարեկային ծառայության Երևան քաղաքի գնդի կրտսեր պարեկ, ոստիկանության կրտսեր սերժանտ՝ Սասուն Սարգսյանի կողմից թիվ 8200231544 որոշումը կայացվել է օրենքի խախտմամբ:

«Վարչարարության հիմունքների և վարչական վարույթի մասին» ՀՀ օրենքի 63-րդ հոդվածի 1-ին մասի «ա» կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով, իսկ 2-րդ մասի համաձայն՝ սույն հոդվածի 1-ին մասով նախատեսված ոչ իրավաչափ վարչական ակտը կարող է անվավեր ճանաչվել այդ ակտն ընդունող վարչական մարմնի կամ դրա վերադաս մարմնի կողմից, ինչպես նաև դատական կարգով:


Նույն օրենսգրքի 77-րդ հոդվածի 1-ին մասի «ա» ենթակետը սահմանում է, որ 63-րդ հոդվածով սահմանված հիմքերը վարչական ակտի փոփոխման կամ բեկանման հիմքեր են:

Ելնելով վերոգրյալից և ղեկավարվելով ՎԻՎՕ 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. ՀՀ ոստիկանության պարեկային ծառայության վարչական իրավախախտման վերաբերյալ գործով 14.07.2022թ. կայացված թիվ 8200231544 որոշումը բեկանել և վարչական իրավախախտման վերաբերյալ գործի վարույթը կարճել:
2. Սույն որոշման օրինակն ուղարկել դիմողին և ՀՀ ոստիկանության պարեկային ծառայության Երևան քաղաքի գունդ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ ՀՀ վարչական դատավարության օրենսգրքի 72-րդ հոդվածով սահմանված ժամկետներում:

Պետի տեղակալ, ոստիկանության գնդապետ՝



Ա. Մաթևոսյան